

## Heej huure weej beej

*Meziék: Quinn Warmerdam  
Teks: Wiel Hermans*

### REFREIN

Weej zien zoeë wie we zien want weej zien good gelök,  
En gaon fluitend door 't laeve, kóm maak dich neet drök.  
We hebbe niks geleeje zien nog net wie niej.  
En staon, as 't heej sjoenkelt, veurraan in de rie.  
Met jónk en ald en diek en dun d'r taegenaan.  
Spring noow maar op de bein en sloét dich beej ós aan.  
Weej zien zoeë wie we zien want weej zien net wie geej,  
Echte vastelaovesminse!..  
"Heej",... huure weej beej!

### VERS

Waat zien weej minse stök veur stök ein plaetje  
We kreege alles mejj  
De woorts vanzelf ein jungske of ein maedje  
en daorum vind heej idder zienen dreij  
Ein uurke links ein uurke rechts en met de neus veuraan  
Slaon weej ein good figuurke, jao met alles d'rop en d'raan

### VERS

Plezeer det is ós op 't liéf geschreeve  
Det zit ós in 't blood  
We zien daobeej hiel slum en braaf gebleve  
Met ós d'r beej kump altiéd alles good  
D'n breije mak zich smaal en uich de smale mak zich breid  
Weej doon zoeë wie we doon en daorum geit 't wie 't geit

### BRÖK

Weej veule ós noow allemaol 'n s'zôndaagskind  
En jónk wie eine snóttterblaag  
Det is veur idderein geneete zónder ind  
Zoeë geit 't ós heej daag veur daag.